

四庫全書

子部

欽定四庫全書

絳雪園古方選註卷十一

蘇州王子接撰

外科

薏苡附子敗醬散

薏苡仁

分十

敗醬

分五

附子

分二

右三味杵爲末取方寸匕以水二升煎減半頓服小

便當下

小腸癰仲景詳言腹無積聚昭然是氣結而成奈諸家以方中附子爲據紛紛註釋是小腸寒冷凝結成癰抑何荒謬若此余因懸內炤之鑑以明之蓋心氣抑鬱不舒則氣結於小腸之頭阻傳道之去路而爲癰腫即內經所謂藏不容邪則還之於腑也故仲景重用薤苳開通心氣榮養心境佐以敗醬化膿爲水使以附子一開手太陽小腸之結一化足太陽膀胱之氣務令所化之毒仍從水道而出精微之興豈庸淺者所能推測耶

大黃牡丹湯

大黃

兩四

芒硝

合三

丹皮

桃仁

五十

瓜子

半升

當是

甜瓜子

右五味以水六升煮取一升去滓內芒硝再煎沸頓服之有膿當下如無膿當下血

金匱上章用附子後人硬派小腸癰是寒結此湯用大黃芒硝又妄派大腸癰是熱結斯誠未足議也然以醫司生命又不得不重言以明之夫肺與大腸爲表裏大腸癰者肺氣下結於大腸之頭其道遠於上其位近於

下治在下者因而奪之也故重用大黃芒硝開大腸之  
結桃仁丹皮下將敗之血至於清肺潤腸不過瓜子一  
味而已服之當下血下未化膿之血也若膿已成形肉  
已壞又當先用排膿散及湯故原文云膿已成不可下  
也

排膿散

枳實

十六枚

芍藥

六分

桔梗

二分

右三味杵爲散取雞子黃一枚以藥散與雞子黃相

等揉和令相得飲和服之日一服 芍藥用赤

排膿湯

甘草

二兩

桔梗

三兩

生薑

一兩

大棗

十枚

右四味以水三升煮取一升溫服五合日再服

排斥也膿血肉所化也前方枳實赤芍佐以桔梗直從  
大腸泄氣破血斥逐其膿後方甘桔薑棗仍從上焦開  
提肺氣調和營衛俾氣行而膿自下審證用方學者出  
自心裁

茄蒂湯

鮮茄蒂

七鮮何首烏  
量癰輕  
重等分

水二鍾煎八分一服出膿再服收口

對口癰生於啞門空處或由濕毒上壅或由腎虛火熾  
患者每多潰不收口或爛延纏頸甚至不救是殆督脉  
之陽氣泄也鮮茄蒂味甘寒緩火毒散惡血能收束頭  
頸之癰口鮮何首烏味苦瀉瘍科名紅肉消亦取其收  
斂精氣伸淳力贊是方深得消毒收口之秘

真人活命飲

白芷

錢一

防風

錢七

陳皮

錢一

皂角刺

錢五

穿山甲

錢五

蛤粉炒

三片切

土貝母

錢一

天花粉

錢一

當歸尾

錢一

赤芍

錢一

乳香

錢一

去油

沒藥

五分

金銀花

錢三

甘草節

錢一

在背角刺為君在腹白芷為君在胸加薑仁在

四肢銀花為君

右酒水各半煎數十沸即服

瘍科之方最繁初無深義難以類選茲取其通用者譯



之如活命飲行衛消腫和營止痛是其綱領也經言衛氣不從逆於肉理乃生癰腫故用白芷入陽明通肌肉之閉以透表陳皮芳香利脾胃之氣以疏經中之滯防風卑賤性柔隨所引而入以泄營中之壅遏角刺性銳能達毒處山甲性堅善走攻堅花粉土貝消腫歸尾赤芍活絡乳香沒藥護心昏神使人不知痛甘草銀花解熱散毒治腫毒之法畢備矣故瘍科推為首方

柴胡連翹湯

柴胡

五錢

連翹

五錢

瞿麥

穗

六錢

黍粘子

二錢

生地

三錢

當歸

一分 黃芩

五錢

知母

五錢

酒炒黃柏

三錢

甘草

三錢

炙中桂

分三

右剉如麻豆大每服五錢水二大盞煎至一盞去渣  
稍熟食後服

柴胡連翹湯和劑也馬刀挾癭邪走手足少陽經而來  
結於耳下治以柴胡散少陽之結氣連翹散外瘍之血  
結氣聚瞿麥穗決上焦之壅腫黍粘子消上焦之熱腫

生地當歸和手足少陽之血脉黃芩知柏解三焦之鬱  
熱炙甘草調和寒熱之劑微加中桂者馬刀堅硬用以  
消皮膚浮凍之氣也

絳雪園古方選註卷十一

欽定四庫全書

絳雪園古方選註卷十二

蘇州王子接撰

痘疹科

附幼科

按痘喜流通氣血清涼攻毒此常法也若補益辛熱處其變也余所選痘科方補益居多者以常法人咸知之故議其變耳

清涼攻毒散

石膏

三錢至一兩

黃連

一錢至三錢

牛蒡子

一錢至五分

荊芥穗

四分

青皮

七分

細木通

四分

犀角

磨汁

生地

五錢至一兩

紅花

四分

牡丹皮

一錢

地丁

一錢

加燈草

一分

即瀉黃散毒重者加大黃

右呖咀水二鍾煎八分去滓溫服

石膏味辛性寒痘中每用兩許以及數兩更有始終不徹用及數觔者然必確係肺經火毒壯火食氣氣失其運火邪妄行空竅鬱遏處則冷冲突處則熱飛殃臟腑

種種惡候如火邪燦肺則鼻燥衄血咽痛聲啞淫於大腸則暴瀉如注逆傳於心則煩躁顛狂弄舌黑刺移於小腸則溺膏洩血肆虐於脾則唇裂肌燥日脛紅腫淫於胃則消渴飲冷口穢噴人順乘於肝則液沸淚熱乘於膽則淚血返於腎非但灑墨塗硃迸裂泡湧空竅失血神昏躁亂煎熬及此則亦無臟不銷無腑不燥矣自宜急用大劑石膏瀉氣分之火毒佐以牛蒡荆芥黃連青皮木通燈草清熱散火以起脹犀角生地紅花地丁

丹皮涼血攻毒以行漿服石膏之後腸瀉用之而反實  
血滯用之而色紅活氣伏用之而精神煥發斯爲至當  
苟非氣分火毒妄用大劑石膏必有亡陽惡寒之禍

紫草承氣湯

大黃

四兩厚朴

二兩枳實

一兩紫草

一兩

右咬咀爲粗末每服五錢水半盞煎二三分溫服以  
利爲度如未利加芒硝一字

紫草承氣湯大黃功專蕩滌滌爲斬關奪門之將痘科用

之蓋為毒滯脾經而設痘從命門出諸太陽經逆上至脾俞毒氣太盛即從脾經肆虐若迅雷之不及掩初起板而不鬆紫而乾滯粒粒頂陷叫哭抽掣煩亂昏憤此毒伏血中不能載毒而出轉輸各臟之俞急急重用大黃破脾經之實瀉血中之滯複以紫草內通血脉外達皮毛洞瀉者用之而反實不食者用之而胃氣開有瀉至數度而精神不減有用至觔許而肌肉始鬆然必是脾經毒壅者方為至當若毒悶命門不發或轉輸肝肺



而用大黃非理也費建中曰毒出鬱伏而重者重與之  
功而輕與之散此方是也

保元湯

人參

錢二

黃耆

錢三

甘草

錢一

肉桂

春夏二分  
秋冬六七分

右咬咀水二鍾煎六分去滓溫服

元氣者未生之前所固有之氣也不用升降固澁疏泄  
但維持調護之故曰保元魏桂岩分四時之輕重治痘  
家熱傷元氣氣虛頂陷血虛漿清痘色與肉色一般乾

燥平塌皮薄發痒頭溫足冷求一熱症而不得者用之  
殊有神功參耆不能從血透表必藉肉桂入血推動其  
毒而後參耆之力乃能內托透表第桂性剛速非甘草  
和緩亦不循循善導補不用朮惡其燥也泄不用苓惡  
其滲也入血不用芍歸恐其辛散也保護不用芍地恐  
其酸斂凝滯也止用性柔者以養陽是亦少火生氣也  
與東垣治慢驚土衰火旺之方今借以治痘內補營血  
外護衛氣滋助陰陽作爲漿水誠出化裁

參歸鹿茸湯

鹿茸

酒炙去毛三錢

人參

一錢二分

綿黃耆

蜜炙一錢五分

當歸身

酒洗一錢五分

甘草

炙六分

生薑

一片龍眼肉

三個

右用水煎去滓入醇酒一杯溫服

鹿茸湯提漿之方也形呈乎氣毒載乎血痘漿之成必賴氣足乃能領血載毒而出化爲漿水若元氣衰弱則血寒而縮氣血冰伏毒必內陷外見空竅頂平淡白根無紅暈內則寒戰咬牙泄瀉肢冷食少當用鹿茸爲君

從命門督脉升陽於顛頂以參耆灸草補助氣升以當  
歸桂圓生薑補助血行再加醇酒流暢氣血達之於表  
則頭面之漿先足金鏡錄有言頭面蒼蠟見之切莫慌  
張其斯之謂與若未服是湯周身痘色恍白根無紅暈  
而頭面之漿漸呈蠟黃者此或毒重冰伏即宜詳審切  
勿輕用蓋參芪鹿茸亦可提毒於胸以致氣高而殞不  
可忽也

十一味木香散

木香 丁香 桂心 訶子 人參 半夏 青皮

甘草 前胡 大腹皮 赤茯苓

各等分

每服五錢薑三片水一大鍾煎六分溫服

木香散手太陰陽明之方也肺氣表虛變為寒燥毒陷泄瀉裏虛表白白必灰灰必陷瀉必脹脹必毒滯症因表虛而變內毒不透當以破滯透毒為先補虛止瀉次之故君以木香順氣散滯丁香贊助元陽肉桂溫表虛轉灰白為紅潤訶子破滯氣又能止瀉青皮破下焦之

滯脹寬則毒鬆腹皮寬膨消毒其功莫大半夏通陰甘  
草和中人參佐煖藥和陽扶破藥養正使以前胡清肺  
赤苓瀉心俾心肺寧而營衛和且熱藥不傷肺破藥不  
傷營也

### 十二味異功散

人參<sub>七</sub>白朮<sub>七</sub>官桂<sub>七</sub>附子<sub>五</sub>半夏<sub>五</sub>丁香<sub>七</sub>木香<sub>七</sub>  
當歸<sub>七</sub>肉果<sub>七</sub>陳皮<sub>七</sub>厚朴<sub>七</sub>茯苓<sub>七</sub>

每服五錢生薑三片大棗二枚水一大鍾煎六分溫

服

異功散治脾腎裏虛之方也脾不升漿變爲寒濕裏虛  
泄瀉毒因陷伏頭雖溫足乃冷腹脹喘悶寒戰咬牙證  
因內虛而變故方中破滯之味輕助陽之力大人參茯  
苓和胃白朮廣皮健脾俾胃煖脾溫而營衛無滯自能  
升提痘毒出於皮毛附子理虛寒而收戰慄官桂鼓陽  
氣以安塌痒丁香安胃木香理脾半夏破滯化痰厚朴  
溫胃破滯肉果溫脾止瀉當歸活血成漿表虛裏實獨

用生薑裏虛表陷薑棗並用

雞鳴散

牛蒡子

炒香研細臨服加入雄雞血五匙狀元紅少許調勻以炒荊芥三分煎湯送

雞屬巽風其性應日而動當其引頸長鳴陽升於頂之候剪取冠上之血故曰雞鳴痘發四五日毒壅不宣此散妙在止用牛蒡荊芥二味表藥助雞冠血升毒於六陽之首使頭面漿足便可無虞今人則不然不分頭面肢體不論朝數乍見漿清輒用雞冠血提漿佐以桑蟲



酒釀服之燥痛異常又有可以收成之痘如頭面漿濃  
肢體漿清過十朝仍然如乍必俟頭面結靨而周身漿  
足周身結靨而下體漿足此乃名爲三截痘若誤用雞  
冠血提漿上升必然伏毒於胸結毒於肺乃至胸高氣  
喘而殞予女八歲得三截痘誤用雞冠血桑蟲致殤深  
可悲夫

雞矢丸

雞矢

一堆溏而有  
光白色者良

六一散

三匙

冰片

少許  
爲衣

右丸如菉豆大燈心湯送下

按岐伯治臟方用醴去矢今痘家用矢者取濁陰也  
但嬰孩不能用丸亦可用矢浸醴調六一散服勿用  
冰片

治痘用濁陰方甚多如人中黃人中白童便金汁皆不  
足爲異至於人糞牛糞犬糞貓糞咸用礬糠火煨過爲  
方者世人畏而罕用余亦不及詳考若夫雞矢醴自岐  
伯用起後人因以治病都取其發散利小便之功今火

毒發痘躁熱如焚喉痺聲啞畏明譫語一切苦寒重劑  
所不能勝者無如雞矢醴爲最雞爲巽風善動之畜其  
矢爲濁中之濁陰中之陰能直透至陰以滌其火毒複  
以六一散外開玄府宣發火毒達於陽分以冰片爲衣  
掩其臭氣并藉此以開泄內外脉絡諸竅佐六一散而  
成發汗泄熱之功庶可劫奪亢湧火毒之勢然後用藥  
亦與有力矣貴在用藥對證勿以穢賤而忽之

附痧癘

防風解毒湯

防風

八分

荊芥

八分

薄荷

八分

牛蒡子

一錢

研

石膏

一錢

知母

八分

連翹

一錢

淡竹葉

八分

木通

八分

枳殼

八分

桔梗

八分

甘草

分三

右水一鍾煎八分不拘時服

痲疹初發以肺經藥主之風溫雖分逐年歲氣雜至要  
皆輕清之邪或從口鼻或襲三焦四時皆有惟春爲甚  
聶久吾曰治痲疹最忌悞用辛熱驟用寒涼治以防風

解毒湯防風荊芥薄荷牛蒡以辛散之石膏知母連翹  
淡竹葉辛寒以清之木通通氣枳殼疎表桔梗甘草載  
引諸藥以達肺經仲淳曰痧癰不宜依證施治惟當治  
肺使痧癰發出毒解則了無餘蘊矣

竹葉石膏湯

竹葉片三十石膏錢五西河柳葉錢五牛蒡子炒研一分荊芥穗

錢一蟬蛻錢一薄荷葉錢一麥門冬去心三錢知母蜜炙錢一乾葛

錢一玄參錢二甘草錢一冬米撮一

右水一鍾五分煎八分不拘時服

痰癰熱邪壅於肺逆傳於心胞絡喘咳煩悶躁亂狂越者非西河柳不能解仲淳間嘗獨用西河柳葉風乾爲細末水調服四錢喘躁立定水漿不入口者灌之可生力贊其爲神祕之方又云慎勿用定喘藥惟應大劑竹葉石膏湯加西河柳兩許另出心裁立一湯方表裏施治蓋以客邪犯心肺二經營衛並傷非獨主於裏也大凡灼熱固表無汗而見諸證者則有竹葉石膏之辛涼

解肌發汗熱毒蘊裏而見諸證者則有西河柳之鹹溫潤燥開結和營以解天行時熱至於十味佐使之藥不外乎潤肺解肌清營透毒母容議也

麻黃散

麻黃

蜜酒拌炒

升麻

酒炒

人中黃

牛蒡

炒研

蟬蛻

去各等分

右爲末每服三錢水煎服

嚴寒之時風邪襲肺玄竅爲寒所閉目微紅淚汪汪鼻塞喘嗽咽腫此痧癰不得出也治以蜜酒炒麻黃溫衛

發汗酒炒升麻入營開泄溫風佐以人中黃清解溫熱  
使以牛蒡蟬蛻祛風出癰伸淳曰肺氣虛者升麻宜輕  
重用必喘學者宜臨證斟酌

### 猪尾膏

小公猪尾尖刺血或半盞或一盞入生腦子少許辰砂  
一錢同研成膏木香湯化下猪尾性動生腦性竄入裏  
治下與雞冠血升表治上二者有上下表裏之分尾血  
利內竅破真陰佐以硃砂安內神木香湯行外瘀究非



王道之品也如厚稟孩童痘發五六朝表受風寒內血  
瘀滯而漿靨或觸穢污紫黑焦枯平闊倒靨者用之可  
轉凶爲吉若內熱而變脚闊頂平色白形空氣血虛倒  
靨者用之反凶

幼科

抱龍丸

琥珀

錢五

辰砂

錢二

雄黃

七

時再

錢香

薤油

煎十二

膽星

二

兩

再用水

蘿蔔

汁煮

兩

錢一

殭蠶

四錢

去嘴

足

全蠍

三

錢研

末用

石榴

一枚

剉空

坐

以無

灰酒

調末

填入

蓋定

文火上徐徐攪動  
成膏取出冷用

牛黃錢一麝香分五天竺黃錢七赤茯苓

兩一

右法製各爲末蒸餅爲丸金箔爲衣燈心薄荷湯送

下

抱保也龍者肝臟也肝臟受驚則魂升搖擗不語用以  
熄風化痰鎮驚發音保守肝魂也殭蠶全蠍薄荷辛以  
散肝風天竺黃膽星苦辛以泄風痰辰砂琥珀安五臟  
鎮魂魄雄黃搜肝膽之伏風麝香利骨髓之伏痰金箔

佐辰砂可鎮胎驚竺黃佐牛黃可發音聲赤苓燈心可

止夜啼集肝經之藥爲複方初無深義一方加人參二

錢五分培植正氣以禦肝風紫河車三錢五分

即蚤休草切片

黑櫓豆製能伏牛黃丹砂之毒并可治驚祛風二味却有妙

義當纂入方中

五疳保童丸

大乾蟾蜍

一箇五月午日收風乾燒存性

皂角

去皮弦燒存性一錢

海蛤粉

水飛麝香  
三錢

右爲末陳神麴爲稀糊丸如粟米大每服三四十丸  
空心米飲下日二服

兒童面黃肌瘦疳積腹膨皆由寒痰食積治以蟾蜍其  
性靈異穴土食蟲主殺疳蟲散結氣時珍曰五疳八痢  
咸宜佐以皂角通諸經之竅海蛤粉生於海者其味鹹  
能消頑痰化積聚生於淡水中者僅清熱利水而已當  
用鹽水煮十二時使以麝香搜骨髓之熱消瓜果之積  
時珍曰酒得麝則敗果得麝則壞深得用麝之理丸以


神麴除陳腐也

按錢仲陽如聖丸方白蕪荑川黃連胡黃連

各二兩五錢

史君子一兩麝香五錢以乾蟾蜍酒煮成膏爲丸亦一

法也治肝脾疳熱津液乾涸熱甚者宜之



絳雪園古方選注卷十二

# 欽定四庫全書

子部

絳雪園

古方選註  
得宜本草卷

十六至  
十七

詳校官參醫院八品吏目<sub>臣</sub>黃發

編修<sub>臣</sub>倉聖脈覆勘

總校官原任中允<sub>臣</sub>王燕緒

校對官學正<sub>臣</sub>陳本

謄錄監生<sub>臣</sub>李學瞻

欽定四庫全書

絳雪園古方選註卷十三

蘓州王子接撰

眼科

洗肝散

薄荷葉錢一甘草分五羌活錢一防風錢一當歸錢一川芎分五

山梔仁炒黑大黃錢二

右爲末每服二三錢食遠沸湯調下

天行時熱目赤胞腫怕日羞明風則散表熱則瀉裏風  
熱相兼則用洗肝散表裏兼治之薄荷甘草清利上焦  
開泄肝氣以肝開竅於目也羌活防風升發太陽之氣  
以太陽經有通項入於腦者正屬目系也當歸川芎行  
少陽血分之氣少陽爲清淨廓雷風相薄而目亦必從  
大眚始也山梔仁能使三焦之火屈曲下行大黃瀉諸  
實熱且導且攻熱退腫消矣理明經正不越治病之章  
程



普濟消毒飲

黃連

黃芩

各五錢  
俱酒炒

白殭蠶

一錢  
炒

連翹

一錢  
錢黑元參二錢

鼠粘子

錢一  
柴胡

桔梗

生甘草稍

各二錢

板藍根

馬屁勃

各一錢

廣橘紅

二錢

升麻

七人參  
錢三

石爲末半用沸湯調時時服之半用煉蜜爲丸噙化

時行疫癘目赤腫痛胞爛者屬濕熱憎寒壯熱頭面脹者屬風熱此皆邪發於手三陰者也普濟消毒飲本自局方謙甫遵於其師濟源東垣註釋見於準繩黃芩黃

連連翹玄參瀉心肺之熱爲君人參橘紅負荷其正驅  
逐其邪爲臣升麻柴胡伸少陽陽明之正氣桔梗甘草  
載引諸藥不令下行爲佐牛蒡散風消毒殭蠶消風散  
結板藍根解天行熱毒馬勃消頭面毒腫使藥四味爲  
諸藥驅使於上焦以成消散之功手經病在上故不用  
下法

消障救睛散

石蟹

一錢五分  
生研

羚羊角

一錢  
鎊

草決明

一錢  
連翹  
五分

白蔞藜

錢一龍膽草

五分酒炒灰

甘菊

八分

木賊草

五分

漢防已

錢一荒蔚子錢一

水二鍾煎八分食遠服

白睛胬肉狀若魚胞浮鰓世人咸用外點鉤割殊非正  
治余因製消胬湯方功勝鉤割用石蟹爲君味鹹性大  
寒而燥去濕熱消胬肉如鼓應桴堪稱仙品佐以羚羊  
角之精靈熄肝風散惡血草決明療青盲去白膜連翹  
瀉客熱散結氣專泄大小背之熱酒炒龍膽退濕熱之

翳白蒺藜散風破血木賊防己療風勝濕甘菊化風荒蔚行血諸藥皆入肝經仍能上行於肺用之屢驗故敢質諸當世

慈硃丸

慈石 硃砂 神麴

先以慈石置巨火中煅赤醋淬七次曬乾另研極細二兩辰砂另研極細一兩生陳神麴研極細二兩與前藥和勻更以神麴末一兩水和作餅湯中煮浮爲

度爲糊量加煉蜜爲丸如桐子大每服十九加至三十九空心清飲湯下

瞳神散大孫思邈倪微德李東垣皆言心火乘肺上入腦灼髓以火性散溢故瞳子散大倪云忌用辛熱李云忌用寒涼孫云慈硃丸益眼力衆方不及慈石辛鹹寒鎮攝腎精令神水不外馳硃砂微甘寒收納心經浮溜之火慈石伏丹砂水勝火也故倍用慈石易象曰水在火上乃爲既濟第慈石入足少陰硃砂入手少陰手足

經之走殊途水火之氣性各異故倪曰微妙在乎神麴  
非但生用化滯發生氣熟則斂暴氣今以脾經之藥配  
入心腎藥中猶之道家黃婆媒合嬰姁有相生相制之  
理

附耳鼻

桂星散

辣桂 川芎 當歸 石菖蒲 細辛 木通

木香 白蒺藜 炒去刺 麻黃 去節 甘草 炙各一錢 白芷稍

天南星

喂裂各一錢半

加葱白

二紫蘇五生薑片五

水二鍾煎至一鍾食後服

一方加全蠍

去毒一錢

犀角飲子

犀角

鎊

木通

石菖蒲

甘菊花

去蒂

玄參

赤芍

赤小豆

炒各二錢

甘草

炙一錢

加生薑

片五

水二鍾煎至一鍾不拘時服

益腎散

磁石

製

巴戟

川椒

各一兩去閉口者

石菖蒲

沉香

各五錢

右爲細末每服二錢用豬腎一隻細切和以葱白少鹽并藥濕紙十層裏煨令香熟空心細嚼溫酒送下  
合論桂星散犀角飲子益腎散三方治風虛風熱腎氣  
厥三者皆屬耳之暴聾雖各有所因治不越乎通陽鎮  
陰經言耳者腎之竅而心亦寄竅於耳除膀胱心包絡  
外其餘十經之絡脉皆入耳中故其受邪不一而所因  
所治亦不一當各隨其經以爲治風爲之疎散熱爲之  
清利氣厥則爲之通其腎氣鎮其逆氣假如風虛耳閉



陰陽乍隔脉道不利經氣衝擊鼓動聽戶而作嘈嘈風  
雨諸聲者考諸方書皆以桂星散爲主方取其官桂從  
裏透表南星從表達裏佐以六經之藥分布於入耳之  
絡脉以宣藏府之氣是僅與人以規矩也後賢權衡在  
手揆度病情酌而用之其利溥矣若水衰火實熱鬱於  
上而聽戶玄府窒塞清神不能通泄而重聽者以犀角  
飲子獨治心經俾清明之氣上通於舌而走於寄竅則  
耳受之而聽亦聰矣又若非風非熱非精脫而屬於腎

勞氣厥者耳中渾渾燉燉閉塞不聽此即經言地氣冒明也由於腎經濁陰上逆蒙蔽其陽治以益腎散辛熱發其陽重墜鎮其逆然亦不可久服河間潔古二老論曰耳目不可以溫補也喻嘉言曰凡治年高腎氣逆上而耳不聽者當以磁石鎮之但性主下吸不能制肝木之上吸須佐以地黃山藥等羣陰之藥輔之令陰氣自王於本宮不上觸於陽竅自然空曠無礙而能聽矣是亦治腎虛耳聾之良圖也至於精髓告竭宗脉耗損者

即有填補之方終難復聰不復多贅

# 芷辛散

白芷

一兩

辛夷仁

五錢

蒼耳仁

吹

二錢

半

薄荷葉

五錢

右爲細末每服一錢葱湯或茶清調服

準繩芷辛散專治鼻淵三因方易名蒼耳散又謂其統治鼻中之病按靈樞云手太陰開竅於鼻而手陽明之脉挾鼻上行故以白芷入手陽明療風去腐辛夷入手太陰消涕止淵然二者性皆外通九竅升清氣於表之

功居多故王好古曰白芷與辛夷同用則能入裏托散  
鼻中之病矣蒼耳仁善通頂腦去鼻中惡肉死肌薄荷  
葉氣味俱薄能清至高之風熱合而言之風火在上非  
辛散不能愈也再按經言膽移熱於腦則爲鼻淵是膽  
熱爲病之本矣余謂前方與黃芩鮮生地天麥冬同用  
以清膽熱亦治本之理歟

絳雪園古方選註卷十三

欽定四庫全書

絳雪園古方選註卷十四

蘇州王子接撰

咽喉科

內附口齒

玄參升麻湯

玄參錢一升麻分八白殭蠶錢一鼠黏子錢一連翹錢一防風

分五黃芩分六川黃連分八桔梗錢一甘草分七

右咬咀作一服水二鍾煎八分稍熱噙漱時時細嚥

之 仲淳治喉癰有貝母花粉生地竹葉無名連

咽喉諸證歷考湯方皆辛散鹹軟去風痰解熱毒每用  
噙化嚥津法急於治標而緩於治本即喉痺之急證亦  
然陰陽別論曰一陰一陽結謂之喉痺一陽少陽也一  
陰厥陰也以一陰爲厥陰者陰陽之序次也厥陰之上  
風氣主之少陽之上火氣主之風火淫肺循絡而爲喉  
痺治以牛蒡散時行風熱消咽喉壅腫升麻散至高之  
風解火鬱之喉腫白殭蠶得清化之氣散濁結之痰玄

參清上焦氤氲之熱連翹散結熱消壅腫防風瀉肺經  
之風邪芩連清上中之熱毒甘桔載引諸藥上行清道  
急治其標而緩其本者蓋因一陰一陽各自結於下無  
異乎陰陽之別也治緩則傷人故當急治其標爾  
聖濟透關散

雄黃 猪牙皂莢

去皮并子 藜蘆 去皮用仁各等分

右三味搗研爲散先含水一口用藥一字許吹入鼻  
中即吐去水少時涎出立愈 備急如聖散有白礬

等 準繩一字散有白礬蠟稍

纏喉風喉者氣之門戶也上通肺氣熱閉於喉腫繞於外而頸大或麻或癢滴水不入一息不至命懸呼吸舍吹鼻通肺之外治別無良法可救藜蘆南人謂之鹿葱忽地生花其性迅發力能透頂令人善嚏吐風痰雄黃性亦升發佐藜蘆之吐又能解藜蘆之毒猪牙皂莢能開肺竅善嚏治喉痺之神藥周文米曰累用救人百無一失備急加白礬宗奭曰佐皂莢之性過喉即吐涎以



礬能分膈下涎也惟準繩再加蠟稍雖去肝風與肺經相遠三方止從聖濟備急功非淺矣

### 玉鑰匙

馬牙硝

一兩五錢

白殭蠶

二錢五分

蓬砂

五錢

片腦

一字

右爲末以紙管吹五分入喉中即愈

鑰匙者喻治咽喉功效之神也自其風邪客於喉間氣鬱爲熱壅遏而爲咽痛自其火邪生於肺胃風毒結腫而爲喉疼自其腎虛於下陽越於上而爲咽痛自其飲

酒濕熱脾胃溼熱上攻而爲咽痛所因之邪不同至其  
乘肺則一也用馬牙硝爲朴硝之精結於上輕清而味  
鹹熱淫於內治以鹹寒白殭蠶感清化之氣以去風痰  
蓬砂味苦鹹消上焦熱痰清喉中腫痛蘓頌贊蓬砂爲  
治咽喉之要藥片腦大辛入肺善走散熱破結是藥吹  
入喉中火散風消立時痛緩惟云治標未及其本亦救  
急之良法

聖濟蜂房湯

露蜂房

炒

猪牙皂莢

灸去皮子

川椒

去目并含口炒

北細辛

去苗

各等分

一方有蛇床子

炒

右搗羅爲散每服一錢匕水一盞煎沸熱漂冷吐

齒牙之病不越乎風火濕蟲腎虛二者之因蜂房湯風火濕蟲蛀虫之方也蜂房川椒去風而能殺蟲牙皂細辛去風之功勝蛇床子去濕之功多風濕既去蟲自消滅按古方漂漱含擦者居多內服攻毒之方甚少蓋以湯藥內走諸絡上循齒牙莫若外漂功效捷速也漂汙

也以湯汙齒而含也

東垣神功丸

蘭香葉

俗名省頭草

藿香葉

木香

已上各一錢

升麻

二錢

縮砂仁

五錢

生地

酒洗三錢

當歸

一錢

黃連

去鬚酒洗五錢

生甘草

三錢

右爲細末湯浸餗餅爲丸如菉豆大每服一百丸加

至二百丸止白湯下食遠服

神功丸治濕蠱齕爛之方也腎爲胃關膏粱酒色之人腎虛則水道不利酒肉太過則濕熱蘊積於胃循脉貫

於上齟而爲齟腐之根由也下齟喜寒惡熱熱甚則疳  
蝕齟腐袒脫穢臭不可近東垣意在清熱仍以去濕爲  
首務濕淫所勝治以黃連木香以苦燥之佐以蘭香藿  
香以辛散之熱淫所勝治以木香砂仁之苦溫佐以升  
麻甘草之甘辛反佐以清胃散中之當歸生地滋濕之  
品引領風燥之藥并去其血分之濕熱非東垣具過人  
之識不及此也

良方安腎丸

桃仁

炒

肉蓯蓉

酒浸

補骨脂

炒

乾山藥

川石斛

白蒺藜

炒去刺

川萆薢

川烏

泡去皮尖

巴戟

天

心去白朮

右爲細末煉蜜爲丸如桐子大每服七十九空心用

鹽湯送下

五味論曰腎爲骨之所終故齒痛有屬於腎者腎虛則齒豁精固則齒堅至其爲病真牙浮動見冷愈疼無熱無蟲是殆入房竭精耗散天真致無根失守之火挾相火而上淫於齒也治以肉蓯蓉巴戟川烏安腎之陽萆

薛堅腎之陰石斛清腎中浮游之火桃仁蒺藜補肝以  
安相火白朮山藥健脾以鎮濁陰治虛火不用寒涼者  
以肝腎之火號曰龍雷誤用寒涼不啻天之陰霾四合  
益助龍雷之勢矣故腎虛齒痛當崇土以制之和陽以  
安之其龍雷之火有不翕然而熄者幾希矣

絳雪園古方選註卷十四



欽定四庫全書

絳雪園古方選註卷十五

蘓州王子接撰

折傷科

接骨丹

七炁嬰口

古屋上廣漢前上層生瓶年深者良用純鋼銼生剉末研之無聲水飛一錢

古文錢

約五百年者良火煨醋淬七次研之無聲如塵者佳五分

右和勻每服七厘先用甜瓜子仁去殼嚼爛吐出拌

藥再服下清酒過口

附錄烏古散

郤以正真人方

用路上牆脚下往來人便溺處久浸烏碎瓦一塊  
洗潔火煨米醋淬五次黃色為度刀刮細末研之  
無聲每服三錢好酒送下治骨折筋斷神效

罌小口瓶也七炁者日月風雨露霜雪也火土結成堅  
剛性利復藉天之七炁能透骨入髓理傷續絕古文錢  
其半兩五銖出自秦漢紅銅者佳唐時開元錢亦可入

藥功專腐蝕壞肉陳藏器曰能直入損處銲人斷骨甜  
瓜子仁開腸胃之壅遏通筋骨之機關因丹藥厘數甚  
微助以入胃轉輸爲丹藥之嚮導也 烏古散其理相  
同取其便捷故附錄於後

里東丸

五靈脂

炒醬色為度九兩五錢五分

番木鱉

用麻油在銅灼內煎滾放在內約二

沉二浮即好十兩

穿山甲

炒黃焦二兩五錢

地龍

非地者佳將滾湯泡熟在日內

曬乾如不乾在火上焙乾不得隔夜九兩五錢

黃麻灰

切碎貯陽城罐內鹽泥封固頭大火

內煨  
三兩麝香三錢  
三錢芸香即白膠香楓脂也二兩五錢  
乳香去油一兩二錢

五古文五銖錢火煨十  
自然銅火煨紅醋  
草烏去

尖炒三  
錢五分全蠍去尾上鉤一  
當歸酒洗一兩  
京墨方如

氏陳者佳火燒烟  
盡為度二錢五分

右酒糊為丸硃砂為衣蠟丸永久不壞每丸一錢五

分重好酒開送下清晨服時須先略飲食然後用藥

即下部傷亦食後服

里東九少陵僧所傳細繹是方都用血肉靈動之藥蓋

草木具無形之氣不足以治形傷也五靈脂受五行之靈氣迅入肝經用以利氣行血退腫接骨番木鱉形傷者必腫腫則氣凝血死用以解破處之血熱消形傷之結腫穿山甲寓水而食穴陵而居用以出陰入陽走竄經絡迅達傷處蚯蚓上食稿壤下飲黃泉用以從陽入陰取蚓毒攻絡內之瘀更取蚓性逐水解熱消腫四者功專外消結腫分兩獨重者治傷綱領之藥也黃蘗灰用以破血利小便行傷接骨麝香通關入腎用以外通

百竅內透骨髓乳香入心經言諸痛皆屬心火用以護心托裏昏神定痛芸香性燥入脾用以勝肉理之濕排膿止痛強筋骨生肌肉古文錢跌撲損傷者用半兩五銖折傷必然肉敗用以腐蝕壞肉自然銅性燥破血用以逐敗惡之血六者去瘀生新安神定痛分兩次之者治傷之條目也草烏外風襲入破傷之處即為破傷風用以祛經絡之風從表而出全蠍外風襲入內風必從用以直攻破損之處消散內風二者非防微杜漸亦折

傷中所必有之證也當歸補營血用以去瘀生新京墨  
灰牆能固衛氣用以生肌膚合傷縫二者各具收成之  
理統論全方雖非控經定證然其調治折傷之法并并  
有條先退腫後定痛腐其壞肉去其惡血祛其風活其  
血俾經脉流通則氣血條暢脂膏流着於傷處其骨自  
接

敗蒲煎

敗蒲席

一握三寸

久用炊單布

一尺燒灰

緋帛

如手大燒灰

亂髮

如雞子  
大燒灰

大黃

一兩切浸  
湯成下

桃仁

四十九箇  
去皮尖

甘草

如中指節

灸  
剉

右七味以童子小便量多少煎湯成內酒一大盞次  
下大黃去滓分溫三服先剉敗蒲席半領煎湯浴衣  
被蓋覆斯須通利數行痛楚立差利及浴水赤勿怪  
即瘀血也

金匱敗蒲煎治馬墜傷者馳騁之時陽鼓於上卒然而  
墜傷在於首病頭脹頸癰發熱體痛故其所治有不同



於平常跌撲所傷者方中多用陳敗之物取其伏陽而  
行瘀也敗蒲席須作帆之蒲惟鄉船中嘗以爲臥具者  
佳藉其精神所憑可以伏陽且陳蒲可逐上焦瘀血炊  
單布久蒸則受湯熟之氣可以化陽自熄退腫除陳亂  
髮療驚安神緋帛行瘀搜傷大黃桃仁甘草即桃仁調  
胃承氣二湯之義用以掃除三焦之瘀外用敗蒲沐浴  
以逐肌肉筋骨之瘀內外兼治非聖心化裁誰能及此

絳雪園古方選註卷十五

欽定四庫全書

絳雪園古方選註卷十六

蘓州王子接撰

金簇科

王不留行散

王不留行

十分八月  
八日採

蒴藋細葉

十分七月  
七日採

桑東南根白皮

十分三月  
三日採

川椒

三分除目及  
閉口炒去汗

厚朴

二分黃芩二分芍藥二分

乾薑二分甘草

十八分

右九味桑根皮以上三味燒灰存性勿令灰過各別  
杵篩合治之爲散服方寸匕小瘡即粉之大瘡但服  
之產後亦可服如風寒桑東根勿取之前三物皆陰  
乾百日

金及傷處封固不密中於風則倉卒無汁中於水則出  
青黃汁風則發瘰癧水則溼爛成瘡王不留行疾行脉絡  
之血灌溉周身不使其湍激於傷處桑根皮泄肌肉之  
風水蒴藿葉釋名接骨草滲筋骨之風水三者皆燒灰

欲其入血去邪止血也川椒祛瘡口之風厚朴燥刀痕之濕黃芩退肌熱赤芍散惡血乾薑和陽甘草和陰用以爲君者欲其入血退腫生肌也風濕去陰陽和瘡口收肌肉生此治金瘡之大要

### 地榆絹煎

地榆

八兩洗淨  
搗爲細末絹一疋小  
薄者

右用清水洗淨絹糊以炭灰淋清汁二斗煮絹候灰汁盡爲度絹已爛熟擘得成片段五寸至三寸即將

絹摯盡灰汁於清水內洗五六次令灰力去盡重入鍋內以水二斗入地榆末煎煮熟爛撈起絹不成片入砂盆研之如糊分爲四服用白粳粥飲調每日空心用一服服後仰臥不得轉側言語驚動其藥食忌一切毒物惟食爛黃雌雞白米軟飯須將養一月加意慎護其藥直至損處補完傷痕隔日開瘡口看之只有宿舊物出而無新惡物出外用長肉散肉長其痕自合

絹能接腸補囊及一切藏府傷殘者得乎桑之力也以  
桑受日出之生氣又爲箕星之精故稱桑爲神葉蠶食  
之化爲絲能入藏府傷處續絕補破真有煉石補天之  
神地榆能化五金八石故能療金簇毒藥之傷王損庵  
立贊此方神妙余觀外臺千金療金及傷處以桑線縫  
之桑膏塗之是亦取生氣也

絳雪園古方選註卷十六



欽定四庫全書

絳雪園得宜本草卷十七

蘓州王子接撰

上品藥

遵經一百一十八  
種隨時用刪補

石菖蒲

味辛入手少陰足太陰經功專開發心陽得犀  
角生地連翹治熱邪入絡神昏因是仙家服食

故本經  
首推

甘草

入足陽明能通行十二經生瀉熱緩甘和溫補  
得桔梗清咽喉得大豆爲甘豆湯解百毒奇驗

黃耆

味甘入手足太陰經生涼灸溫得當歸能活血  
得白朮能補氣得防風相畏相使而其功愈大

人參

味甘苦入手太陰能通行十二經得羊肉則補形古方寒熱攻補劑中皆用之以立正氣誠爲

上品

桔梗

味苦入足少陰經得甘草能載引上行入肺爲舟楫之劑

姜薤

味甘入手太陰經得石膏乾葛治風溫自汗身重語言難出

肉蓯蓉

味淡入足少陰經周慎齋云蓯蓉補腎之陰得兔絲補腎之陽二者同用能生精補陽

天麻

味辛入足厥陰足陽明經得川芎則補肝得白朮則去濕

蒼朮

味苦辛入足陽明經得防風則發汗得黃蘗則勝濕得香附快中下二焦之氣得山梔解朮性

燥之

白 術

味辛甘入足太陰經得枳實能滌飲消痞陶隱  
居始分蒼白二木李杲曰蒼術性發白木性止

可謂得二  
術之神

巴戟天

味辛入足少陰經功專溫補  
元陽得純陰藥有既濟之功

遠 志

味苦辛入足少陰經主治健忘得  
茯苓入腎通陽得棗仁通心安神

丹 參

味苦入手少陰厥陰經調婦人經脈能抵四  
物之功得山查炭益母草清產後瘀血發熱

黃 連

入手少陰經性冷而燥寒能勝熱得枳實瀉  
痞滿得烏梅川椒則安虺得不香治滯下

柴 胡

味苦辛入足少陽經入經達氣入絡和血升不  
上乎顛頂散不達乎皮毛故入膽而合其無出

無入之性得益氣藥則能  
升陽得清氣藥則能散邪

防風

味甘辛入手太陽足太陽足厥陰經其性柔溫無所不入隨主藥而走經絡得蔥白能通行周

身得澤瀉藁本療風濕得當歸芍藥陽起石禹餘糧療婦人子藏風冷

升麻

味辛入手陽明手太陰足太陰經火在上非升不散氣陷下非升莫舉惟東垣善用之得蔥白

散手陽明風邪得石膏止陽明齒痛得柴胡引主氣上升得葛根發陽明之汗

獨活

一種二名上產有異獨活幽香入足少陰經得細辛治少陰伏風頭痛

羌活

羌活氣雄入足太陽經得當歸能利勞傷骨節痠痛

當歸

味苦辛入手少陰足厥陰經主治女子諸虛不足得人參黃耆則補氣生血同牽牛大黃則行

氣破血得桂附茱萸則熱得大黃芒硝則寒

川 芎

味辛溫入手足厥陰經治婦人血閉無子得細辛療金瘡止痛得牡蠣療頭風得生犀角去疾清目得臘茶療產後頭痛得烏藥療氣厥頭痛

白 芷

味辛溫通行手足陽明經療風止痛排膿得土貝水薑治乳癰得辛夷細辛治鼻病得單葉紅蜀葵根排膿得椿根皮黃蘗治婦人濕熱帶下

木 香

味辛苦入手太陽經功專調氣散滯得黃連治滯下得檳榔治下焦氣滯得橘皮肉果生薑治腹間滯塞冷氣功效捷速煨熟者實大腸

草 果 仁

味辛酸入足太陰經主治寒濕鬱滯得知母治瘴瘧得烏梅截瘧得木瓜麴藥療中虛惡穀

佩 蘭 葉

味辛入陽明太陰經治消渴膽痺津液凝滯有餘之邪

甘菊

味甘微苦入手太陰經功專清頭目風火得枸杞便能下行悅腎

茵陳

味苦入足太陽陽明太陰經主治風濕寒熱得山梔療熱黃得附子治陰黃得車前治眼目濕

熱亦腫

益母草

味苦辛入足厥陰經活絡調經功效甚捷得炒黑山查治產後惡露不行

續斷

味苦主治跌撲傷續筋骨得當歸治勞傷腰痛得平胃散治血痢藥名按骨草

生地黃

味苦入足厥陰經主治勞傷血證得麥冬復脉內之陰得木通導小腸之熱

熟地黃

味甘入足少陰經功專生精填髓得砂仁行氣煮酒和血復得久曝太陽真火能使虛陽歸宿

田丹

牛膝

味酸苦入足厥陰經生用逆痰熱用強筋得肉從蓉則益腎得杜仲則補肝

麥門冬

味甘入手少陰太陰經功專清心保肺得地黃阿膠麻仁同爲潤經復脉之劑得五味子能都

攝肺腎之津液

冬葵子

味甘氣寒入足太陽經性主滑利能通精下胎得縮砂仁治乳汁蓄癰得牛膝下胞衣

車前子

味鹹入足少陰經得牛膝疏肝之性導引利水得兔絲子升清降濁能補虛明目

白蒺藜

味苦辛疾於通利破血去風得雞子油治偏枯神效得貝母下死胎得當歸通月事

沙蒺藜

味甘入足少陰少陽經功專補腎得魚鰾能聚精氣

菟絲子

味辛甘入足三陰經續絕傷煖精寒得茯苓廣蓮治白濁遺精得麥冬治赤濁得牛膝治腰脚

痛得車前子  
治產難橫生

### 五味子

味酸兼鹹苦甘辛入手太陰足少陰經欬肺經  
浮游之火歸腎藏散失之元得半夏治痰得阿  
膠定喘得吳茱萸  
更治五更腎泄

### 覆盆子

味甘功專益腎精縮小便得  
肉蓯蓉補骨脂治陽事不起

### 天門冬

味甘苦入手太陰經主治肺熱得熟地則入腎  
張三丰獨用此二味一君一使爲長生不老方  
好古曰得人參五味  
枸杞同爲生脉之劑

### 茜草

味苦入手足厥陰經通經脉療微毒得  
生地烏髭髮得阿膠側柏療婦人敗血

### 絡石

味苦強筋骨利關節得射  
干山梔療咽腫毒氣攻喉



澤

瀉

味鹹入足太陽少陰經功專利水通淋得白朮治支飲得麋銜治酒風

蒲

黃

味甘入足厥陰經生破血熱止血得五靈脂治心腹諸痛得青黛治重舌脹滿

石

斛

味甘鹹入足陽明太陰少陰經主治胃熱兼益腎精得生薑治囊濕精清小便餘瀝同川芎爲

末搗鼻治  
曉倒入

胡

麻

即黑脂麻大者名巨勝湯浸蒸曝布裏掇去皮味甘辛入腎潤燥得桑葉逐風濕堅筋骨

大麻仁

一名火麻味甘入手陽明足太陰經緩脾潤燥得當歸厚朴等辛藥乃能利大腸

薏苡仁

味甘淡入足陽明經主治寒濕筋攣得麻黃杏仁治風濕周痺得郁李仁治水腫喘急

山藥

味甘入足太陰經得羊肉補脾陰得熟地固腎精

冬瓜子

味甘平主治腸癰  
得麥冬治消渴

大棗

味甘主治和營得生薑則兼  
和衛得小麥治臟燥悲傷

廣橘皮

味苦辛入足陽明太陰經功專利氣止嘔得白  
朮則補脾得甘草則補肺得杏仁治大腸氣悶  
亦治肺氣衝心得桃仁治大腸血閉得生薑治  
嘔噦厥冷得神麴生薑治經年氣嗽得麝香治

婦人  
乳癰

蓮藕

蓮子味甘滑入足太陰少陰經功專清心固腎  
得乳香益智治遺精白濁得炙甘草治赤濁得

陳倉米治  
噤口痢

藕衣節

功專消瘀血得髮灰  
治血淋得酒解蟹毒

蓮蕊鬚

功專清心滋精蕊得黑牽牛當歸治  
久近痔漏鬚得黃蘗治慾火夢遺

敗蓮房

功專消瘀血得厥陰  
經藥治大便下血

荷葉

功專升少陽生氣得  
升麻蒼朮治雷頭風

紫背荷葉

得種蠶治痘倒靨  
四肢微厥神效

芡實

味甘滑功專暖元陽得生地能止血得  
金櫻子能益精得兔絲子能實大便

栢子仁

味甘入足厥陰經功專養心平肝潤腎得速  
志能交通心腎得松子麻仁治老人虛秘

肉桂

味甘辛入足厥陰經主治沉寒痼冷益火消陰  
得人參麥冬甘草能益中氣得藜石英療吐逆

桂枝

味辛溫入足太陽經功專溫經通脉去風止汗  
得芍藥甘草能和營衛得雄雞肝治小兒遺尿

辛夷

味辛入手太陰足陽明經主治頭風鼻病得川芎薄荷細辛石膏治鼻塞流涕不聞香臭得南

星半夏黃柏牡蠣

治鼻淵下如白膿

黃蘗

味苦入腎經主治濕熱得肉桂治咽痛得蒼朮治濕痿得細辛瀉膀胱火得蛤粉治赤濁白淫

杜仲

味苦辛入手足厥陰經主治肝虛得羊腎治腎虛腰痛得牡蠣治虛汗得糯米山藥棗肉治頻慣

墮胎得補骨脂青

鹽枸杞能壯腎陽

乾漆

味辛溫功專消癥破積得白蘘蕒治小兒蟲病得牛膝生地治婦女經閉得大麥蘗治產後血

氣青腫水疾得柏子

山萸棗仁治七傷證

槐角子

味苦寒入手厥陰經功專殺蟲得牛膽明目通神得地榆當歸防風黃芩枳殼治五種腸風瀉

血得苦參

治內外痔

# 槐花

味苦主治腸熱得鬱金治小便血得荊芥穗治大便血得山梔治酒毒下血得條芩治血崩得

牡蠣治白帶

# 雲母

味甘功專除邪安臟得蜀漆龍骨治北瘧

# 紫石英

味甘溫入手少陰足厥陰經主治子宮寒不孕上能鎮心重以去怯下能益肝濕以去枯

# 丹砂

味甘寒入手少陰經功專鎮心安魄得遠志龍骨則養心氣得常歸丹參則養心血得生地枸

杞則養

腎陰

# 滑石

味甘寒入足太陽經功專發汗利小便得粉甘草解中暑止泄瀉

赤石脂

味酸入手足陽明經功專厚腸止利得乾薑粳米治下利膿血得蜀椒附子治心痛徹背

禹餘糧

味甘寒入手足陽明經功專鎮固下焦得赤石脂治傷寒下利得乾薑治赤白帶下得牡蠣烏

鯀魚骨枉心

治崩中漏下

膽

礬

味酸入足少陽經功專吐痰解毒得醋治喉痺垂死得乳香沒藥大棗敷楊梅毒神效

朴

硝

味苦鹹其性主降逐腑積聚得大黃直入大腸滌垢

硝

石

即火硝味苦辛其性主升功專破積散堅得殭蠶水研吹喉中治喉痺

礬

石

味酸寒功專吐痰解毒得黃蠟解一切腫毒

蜂

蜜

性溫功專潤臟腑得薤白搗塗湯火傷痛立止得生薑治大頭癰瘡得升麻敷天口瘡瘡神效

蜜

蠟白蠟味淡功專調氣得茯苓治陽虛遺濁帶下  
黃蠟得黃連阿膠治痢下腹痛面青肢冷神效

得當歸阿膠黃連黃蘗  
陳倉米治產後下痢

桑螵蛸

入足少陰厥陰經功專  
固澀得龍骨療洩精

龍骨

味漚功專固脫得遠志治健忘得韭子治滑  
精得桑螵蛸治遺尿得白石脂治泄瀉不止

龍齒

鎮心涼驚  
功用同前

龜甲

味鹹入足少陰經主通任脉得黃柏知母治陰  
虛勞熱得側柏香附治鬱結得婦人髮川芎當

歸能下  
死胎

牡蠣

味鹹入足少陰經功專降逆止汗得柴胡去脇  
下硬得松蘿茶能消項上結核得大黃能消股

間腫得地黃能滋精得元  
參甘草臘茶治瘰癧奇效

海

蛤

味甘鹹主治欬逆上氣得滑  
石甘草芒硝治傷寒血結

阿

膠

味鹹入手太陰足厥陰少陰經功專益陰止血  
得黃連治血痢得生地止吐血得蒲黃生地治

大翹  
不止

牛

黃

味苦入足厥陰經功專清心化熱利  
痰涼驚得犀角硃砂治小兒諸驚

麝

香

味辛溫入足太陰經得肉桂消水果諸積得麝  
豉燒酒爲末淬酒服產婦敗血裹子難產立效

上品藥

集補時用  
三十三種

黃

精

味甘功專補諸虛安五藏得枸  
杞補精益氣得蔓菁養肝明目



仙茅

味辛溫主治風冷虛勞得生地  
枸杞茴香柏仁治腰脚攣痺

月季花

味甘溫主治疽瘡見麝變色得活鯽  
魚糞水中遊死者治瘰癧未破神效

草豆蔻

味辛入足太陰陽明經功專散滯氣消鬲上  
痰得熟附子治寒瘧得烏梅治久瘧不止

蛇床子

味苦入少陽三焦經功專強陽養陰得  
五味菟絲綠療陽痿得烏梅治產後陰脫

縮砂蜜

味辛功專消食散滯  
得白朮條芩能安胎

蓬莪朮

味苦辛主治血氣結積得木香療  
冷氣攻心得阿魏治小兒盤腸

荊三稜

味苦功專療癥瘕破血結得蓬  
朮治渾身燎泡得大黃治疰癖

藁本

味辛溫入足太陽經主治頭風得木香治霧  
露之邪中於上焦得白芷療風濕可作面脂

紫參

味苦入足厥陰經功專破結逐瘀得甘草治下利肺痛得人參阿膠治吐血不止

白鮮皮

味苦入手太陰陽明經主治風濕痛痺鼠瘻已破者服之最效

燈心草

味甘寒功專降心火瀉肺熱得辰砂治小兒夜啼得紅花治喉風痺塞

藿香

味辛入手足太陰經主治霍亂腹痛得滑石治暑月泄瀉

王不留行

味苦陽明衝任之藥也功專通血脉療瘡瘍得黃柏治誤吞鐵石得穿山甲治婦人乳少

鉤藤

味甘苦入手足厥陰經功專息風降火得甘草治癇疾得紫草發斑疹

藤黃

味酸溫烏羊血製療折傷

骨碎補

味苦入足少陰經主治閃折筋骨傷損得猪腎治久瀉不止得獨活寄生虎骨治痿痺

金銀花

味甘功專散熱解毒  
得當歸治熱毒血利

陳倉米

味鹹酸入手陽明經功專補中益氣得  
人參治脾虛泄瀉得沉香治胃反噎塞

杵頭糠

味辛甘主治噎氣噎塞得  
人參石蓮治咽喉不利

苦酒

味酸苦功專殺毒益血得者芍桂枝治黃汗得  
麻黃清酒治黃疸得木香治心痛得黃柏治口

瘡

麥藥

味鹹入足三陰經主治消食下氣產後退  
乳得川椒乾薑治穀勞嗜臥得蜜能下胎

飴餠

味甘入足太陰經功專  
和藥性得桂枝能建中

蘋

一名田字草製硫磺毒功專  
下水氣得花粉人乳止消渴

胡

桃

味甘入足少陰經功專補命門煖丹田  
得杏仁治喘嗽得骨脂補下焦陽虛

沉

香

味辛主治氣淋精寒得木香治胞  
轉不通得肉苳蓉治大腸虛閉

丁

香

味辛入足陽明經功專去胃寒得甘蔗生薑  
治朝暮吐得柿蒂治呃逆得五味子治奔豚

楓香脂

味苦主治癰疹瘋癩得  
蛤粉薑汁治吐血衄血

金櫻子

味酸瀉主治脾泄精滑得芡  
實能固精得縮砂能益精

蘇合香

味甘溫功專通神辟惡得安息香白木香沉檀  
丁麝龍腦薰陸諸香草撥訶子硃砂犀角治傳

尸鬼  
症

河車

味甘鹹主一切虛損得熟地  
天冬牛膝杜仲能補腎益精

人中白

味鹹主治癆瘵得麻仁阿膠治血虛便閉得雞矢治蜘蛛咬毒

坎

票心腎之氣得當歸麝香治臍不乾得乳汁硃砂解胎毒痘患

中品藥

遵經一百一十八種

知母

味苦入手太陰足陽明經主治消渴煩熱得麥冬則清肺止渴得地黃則滋腎潤燥得人參治

子煩

玄參

味鹹入足少陰經功專清火滋陰得甘草桔梗止咽痛得牡蠣貝母治瘰癧

北沙參

味甘入手足太陰經功專止嗽除疴得麥冬清肺熱得糯米補脾陰

苦參

味苦氣沉入手足少陰經功專去風濕殺疴虫得枳殼治風癩毒熱

枸杞子

味甘入足厥陰少陰經功專補精血得杜仲草薢治腎虛腰痛得青鹽川椒治肝虛目暗

地骨皮

味苦入手太陰經功專退熱除煩得麥冬小麥治勞渴

淫羊藿

味辛入手足陽明經功專益精氣強心力得熙灰酒浸治偏風皮膚不仁

狗脊

味苦甘功專強肝腎健筋骨得鹿茸白歛治帶下得川烏草薢治諸風

黃芩

味苦蕪寒中枯者瀉肺火細實而堅者瀉大腸火得白朮能安胎得連藥治上焦積熱

紫草

味苦入手足厥陰經功專涼血活血利大小腸得白朮木香治痘瘡血熱毒盛便閉

秦艽

味苦辛入手足陽明兼入肝膽主治風濕攣痺得獨活桂心治產後中風

貝母

味甘苦入手太陰經功專潤肺化痰得桔梗能下氣得白芷消便癰

茅

根

味甘氣寒功專除熱止血得豬  
肉治黃汗得枇杷葉治冷呃

龍

膽

味苦瀉入足厥陰火陽經功專清熱去濕  
得玳瑁治目疾得蒼耳治耳中諸實症

白

薇

味苦入陽明經得桂枝石膏竹茹治胎前虛  
煩嘔逆得人參當歸甘草治產後血厥昏冒

芍

藥

味酸得人參益氣得當歸養血得白朮  
補脾得川芎瀉肝赤者利水行血

牡丹皮

味辛入手少陰厥陰功專治相火  
勝于黃柏得四物治無汗之骨蒸

澤

蘭

味苦辛入足太陰厥陰經功專破血消  
瘀得當歸能通經得防己治產後水腫

細

辛

味苦辛入足厥陰火陰經得黃連治口  
瘡虛匿得決明鯉魚膽青羊肝療目痛

五加皮

味辛入足厥陰火陰經功專壯筋骨除風濕  
得地骨皮治虛勞得丹皮當歸治婦人血風

蒼耳子

味甘苦主治風熱得  
葶藶治水腫小便閉

麻黃

味苦辛入手太陰足太陽經功專散邪通陽  
得射干治肺痿上氣得桂心治風脾冷痛

紫菀

味苦辛入手太陰經得款冬百部烏梅  
治久嗽得白前半夏大戟治水氣喘逆

款冬花

味辛入手太陰經功專開痰止嗽得白薇貝  
母百部治肺實鼻塞得黃連傳口中疳瘡

敗醬

味苦入手足陽明厥陰經功專破血排膿得  
四物治惡露不止得芍藥歸心治產後腰痛

瞿麥

味苦功專利水破血得括樓茯苓山芋雞  
子治便閉得山芫甘草葱白燈心治溺血

薤白

即凌霄花味酸入手足厥陰經功專行  
血清火得地龍殭蠶全蠍治大風癰疾

葛根

味甘辛入手太陰陽明經得香豉  
治傷寒頭痛得粟米治小兒熱渴



防已

味苦 漢防已得黃蘗知母去下焦濕  
腫木防已得防風葵子通小便淋瀝

通草

味甘淡 通可去滯入手足太  
陽經得琥珀茯苓瀉火利水

薇 銜

即鹿銜草味苦主治風濕痺痛得白附子療小  
兒風病得狼毒麝香白丁香釣苓根傳年深惡  
瘡

括樓實

味苦功專潤燥降火得文蛤治  
痰嗽得杏仁烏梅治肺痿咳血

括樓根

味甘苦功專潤肺生津得  
人參麥冬治消渴飲水

黑大豆

味甘入足少陰經得牯牛膽治肝虛目暗得天  
花粉治腎虛消渴得濁活舊血治產後中風

大豆黃卷

味甘功專除胃熱療濕痺得大  
黃橘皮青葱治水腫喘急便澀

赤小豆

味甘酸入手少陰太陽經功專散血利水得桑皮去濕腫得通草能下氣得雞子傳癰瘍

乾薑

味辛入手足太陰經生能散表炮能溫中得良姜治脾寒瘧疾得錫飴治肺冷咳嗽

百合

味甘苦入手少陰太陰經得款冬花治痰嗽帶血

烏梅

味酸瀉功專斂肺固腸解渴止吐得建茶乾薑治休息利

蜀椒

味辛主治心腹冷痛傳尸勞瘧得地黃汁調養真元得白茯苓補益心腎

吳茱萸

味辛苦入手足太陰陽明厥陰經功專溫中下氣得乾薑治吞酸得黃連白芍治赤白下利

厚朴

味苦入手足太陰陽明經得蒼朮治濕滿得黃連治滯下得杏仁能下氣定喘

秦皮

味苦瀉入手厥陰少陽經得黃連阿膠白頭翁治產後下利

桑葉

味甘入手足陽明經得麥冬治勞熱得生地阿膠石膏枇杷葉治肺燥咳血

桑枝

味甘苦主治風濕拘攣手  
得桂枝治肩臂痺痛

桑根白皮

味甘入手太陰經得地骨皮瀉肺得白茯苓利水得糯米治咳嗽吐血

枳實

味苦入手太陰陽明經功專破積下痰得白朮去痰飲得瓜蒌消痞結得皂角通大便

枳殼

即枳實之大者其力稍緩得桔梗  
治虛痞得甘草治婦人體肥難產

山梔子

味苦入手太陰經功專除煩瀉火得滑石治血淋溺閉得川烏治冷熱腹痛

茯苓

味甘淡入手足太陰太陽經得人參能下氣得半夏能滌飲亦者利水尤捷

茯神

味甘淡入手少陰經得棗仁能安神得乳香木瓜酒治筋骨攣痛

豬苓

味苦日入足少陰太陽經功專利水滲濕得難矢白治小兒溺閉

竹葉

味甘苦入手少陰足陽明經得橘皮治上氣發熱得小麥石膏治時行發黃

竹茹

二層竹皮也味甘功專清熱利氣得括樓治傷寒勞復得參苓草治產後煩熱

竹瀝

味甘功專豁痰下氣得薑汁治小兒傷寒風口噤得葛根汁治小兒傷寒

棗仁

味酸入手少陰足厥陰經功專安神定志得人參茯苓治盜汗得辰砂乳香治膽虛不寐

枳椇

俗謂雞距子味甘平功專止渴除煩得射香能解酒毒

白前

味甘微辛入手太陰經功專降氣下痰得桔梗桑皮治咳嗽吐血

高良薑

味辛氣溫入足太陰陽明經得茯苓治胃寒噫逆得粳米治霍亂腹痛

片子薑黃

味苦辛功專下氣破血得肉桂治寒厥胃病產後癰瘕

山茱萸

味酸入足厥陰少陰經功專助陽固陰得熟地補腎虛得五味攝精氣

蔓荊子

味辛甘入足太陽厥陰經得皂莢蒺藜治皮痺不仁得羌活防風治風熱頭痛

前胡

味苦入手足太陰陽明經功專散風下氣得桔梗治痰熱咳逆

綠豆

味甘功專解金石草木毒得黑豆黑小豆治天行痘瘡得白蘞骨治不寐

茶葉

味苦甘入手少陰太陰經功專清心肺滌腸胃得甘菊治頭痛得生薑治滯下

雄黃

味辛功專解毒勝邪得黑鉛治結陰得朱砂豬心血治癰瘡雌黃主治略同

石膏

味甘辛入足陽明手太陰少陽經得桂枝治溫瘧得蒼朮治中暈

硫黃

味酸入手足少陰經得半夏治久年哮喘得艾葉治陰毒傷寒得烏鰂五味傳婦人陰脫

慈石

味辛入手少陰經功專溫腎鎮怯得熟地山萸肉治耳鳴得朱砂神麴能交通心腎

石決明

味鹹入足厥陰經功專清熱補肝得枸杞甘菊治頭痛目昏

麝羊角

味醖入足厥陰經功專散風清熱得勾藤能息肝風

犀角

味苦鹹入手少陰足厥陰經功專涼血解毒得地榆治血痢得生地連翹治熱邪入絡

鹿茸

味甘鹹功專通督脉補精益氣得菟絲羊腎苗香治腰痛得人參黃芪當歸提痘漿

蛤蚧

味鹹入手太陰足少陰經功專補氣益血得人參治喘嗽勞損痿弱

烏鰂骨

味鹹入足厥陰經得生地治血淋得乾薑治血瘀得鹿茸阿膠治崩中帶下

線魚鰾

味甘鹹功專補益精氣燒灰治產難血運得甘蔗節治吐血不止

鼈

甲

味鹹入足厥陰少陰經主治痲癰瘰癧得青蒿治骨蒸勞熱得龜仁治貢豚氣痛

烏骨雞

味甘鹹入手太陰足厥陰少陰經得涼血補精藥治勞瘵

白殭蠶

味辛鹹入手足厥陰陽明經功專療風痰得白馬通治癰瘰得冰片礞砂牙硝治諸喉風

乳香

味苦辛入手少陰經功專活血伸筋得枳殼令胎滑易產得真茶鹿血治心氣疼痛

香附

味苦辛入足厥陰經通行十二經功專下氣解鬱得木香則流滯和中得山梔能降鬱火得茯

神能交心腎得茴香補骨脂能引氣歸元得厚朴則決壅消脹得艾葉能暖子宮得高良薑治

心脾冷痛得蘇安胎順氣得黃連名黃鶴丹得烏藥為青囊丸二者皆治百病

香薷

味辛溫功專散暑和水得厚朴治傷暑寒証得白朮治暑濕水腫

荊芥

味辛入足厥陰經主治產後血暈得石膏治風熱頭痛得甘草洗爛瘧神效

紫蘇

味辛溫功專發表散寒得麻皮砂仁則行氣安胎得木瓜厚朴治寒濕腳氣

艾葉

味苦入奇經功專煖子宮殺蟲蠱得香附治少腹痛得阿膠治產後下血得雄黃治狐惑蟲蠱

大小薊

味甘溫大薊功專破血小薊功專消腫

大小青

味苦大寒主治瘟疫熱毒得犀角治陽毒發斑小青得沙糖治中暑發昏

牛蒡子

味辛功專消肺風利咽禹得荊芥治咽喉不利得生甘草治懸雍喉痛得甘桔治咽喉痘疹得

薄荷治風

熟癰瘰



百

部

味甘溫主治咳嗽殺蟲  
得生薑治經年寒嗽

草

薢

味苦入足陽明厥陰經功專去風濕得杜仲  
治腰脚痺軟得石菖蒲益智仁治白濁頻數

昆

布

味鹹寒功專軟堅破結  
得海藻治瘰癧氣結核

小

麥

味甘入手太陰經功專養心鎮肝得通  
草治老人五淋得海藻消項下瘰癧氣

大

麥

味微鹹功專下氣得鍼  
砂沒石子能染鬚黑

粳

米

味甘苦功專和胃守中得  
石膏附子皆取其留中也

秫

米

即糯黃米味甘主治肺虛  
寒熱得半夏能使人寐

白扁豆

味甘入手太陰經功專下氣消暑得香  
薷治霍亂吐利得天花粉消渴飲水

淡豆豉

功專下氣調中得蔥則發汁得山桅則吐得酒則治風得薤白則治病

穀藥

味甘功專快脾開胃得砂仁白朮能使人進食

薤白

味辛苦溫功專滑利散結得桔樓半夏治胸痺刺痛

生薑

味辛溫功專散邪和中得大棗能和營衛得附子能溫經散寒得杏仁下胸膈冷氣得露水治

暑瘧

木瓜

味酸入足太陰經主治濕痺脚氣霍亂轉筋

柿蒂

味澆主治咳逆噦氣得丁香治呃逆不止

枇杷葉

味苦功專下氣止嘔得香茅根治癰病發嘔得山桅子治赤鼻面瘡得丁香人參治反胃嘔噦

檳

榔

味苦辛功專宣利藏腑壅滯得枳實治傷寒痞滿得木瓜治腳氣衝心得橘皮治金瘡惡心

甘

蔗

味甘入足太陰經功專潤肺生津得薑汁治胃反得麥冬生地治春溫液涸

虎

杖

味苦功專破血得土瓜根牛膝治經閉腹痛得麝香乳香治五淋

蕪

蕪

味辛功專殺蟲得訶子治兒冷痢得檳榔能殺諸蟲

琥

珀

味甘淡功專消瘀通淋得黑糖豆治產後神昏得麝香小便淋瀝

楮

實

味甘力能軟骨得茯苓治水氣臌脹

鮑

魚

味辛入足厥陰經主治跌撲腿廢腕折得蔥豉通乳汁

虎

骨

味辛平功專追風定痛得沒藥治歷節痛風得兔腦能止滑利得乳香能催生下胎

瑣陽

味甘溫功專潤燥養筋得虎骨治痿弱

三七

味甘苦入足陽明厥陰經主治上下血證得生地阿膠治吐血捷效

胡黃連

味苦主治骨蒸勞熱得山梔猪膽治傷寒勞復得川連硃砂猪膽治肥熱疔疾

延胡索

味辛入足太陰厥陰經功專散滯破血行傷得川楝子治熱厥心痛得茴香治小兒盤腸痛

白豆蔻

味辛入手太陰經功專散滯破積得砂仁甘草治小兒吐乳得砂仁丁香陳皮治胃反

益智仁

味辛入足太陰經功專止遺濁縮小便得烏藥治小便頻數

肉果

味辛溫入手足陽明經功專暖脾胃固大腸得木香附子治久瀉不止

補骨脂

味辛入足少陰厥陰經主治腎冷精流得菴絲子治下元虛慙得杜仲胡桃治腎虛腰痛得茯苓

苓沒藥能定心補腎得茴香治小便無度得非  
子治腎漏莖舉得因果治脾腎虛泄得粟穀治

洞瀉  
久利

鬱金

味辛入手少陰厥陰經功專去惡血破結聚得  
明礬治失心癲狂得甘草片腦治痘毒入心

薄荷

味辛入手足厥陰經主治頭目咽  
喉口齒諸病得花粉能清上化痰

紅花

味辛入手少陰經功專活血消  
腫得去風藥治六十二種風

胡盧巴

味苦大溫入命門之藥主治元藏虛冷得桃仁  
治膀胱氣得茴香川棟治奔豚偏墜得蕎麥茴

香治冷氣疝瘕得補骨  
脂木瓜治寒濕脚氣

木賊

味苦功專去目翳療腸風得牛角鯢麝香治休  
息利得禹餘糧當歸川芎治崩中赤白得槐子

枳實治痔

中出血

淡竹葉

味甘寒功專清心得  
麥冬去煩熱利小便

穀精草

味辛入陽明經主治目疾  
得羯羊肝治小兒雀目

紫花地丁

味苦辛主治  
乳癰瘰癧

使君子

味甘功專殺蟲療五疳  
得蘆薈治小兒疳熱

御米殼

味酸瀉入足少陰經功專止瀉却嗽得烏  
梅治久嗽不止得陳皮烏梅治熱痢便血

阿芙蓉

味酸瀉功專滋精固腸得  
木香黃連治久痢不止

黑櫓豆

味甘功專  
利水除痺

蒸餅

味甘功專消穀利水得大蒜淡豆豉治久淋

懷香

味辛入奇經主治膀胱冷氣乾濕脚氣得生薑鹽治羣九腫大得川棟子治腎消飲水得杏仁

蔥白治膀胱疝痛

菠薐菜

味甘冷滑入手太陽陽明經功專通陽利臟得雞內金治消渴引飲

蒲公英

味甘入足少陰經功專化熱毒消腫核得忍冬藤治乳癰

茄蒂

味澁功專散血斂氣得何首烏治對口瘡

山槿

味酸功專消食起痘得茴香治偏墜疝氣得紫草治痘疹乾黑

草澄茄

味辛主治膀胱冷氣得白芷菖蒲治噎食不納得高良薑治寒呃得薄荷荊芥治鼻塞不通

降香

味辛溫功專療折傷金瘡止血  
定痛得牛膝生地治吐瘀血

下品藥

遵經一百一十八種

白頭翁

味苦主治熱毒自利得秦  
皮黃連黃柏治厥陰熱利

白芨

味苦主治金瘡癰毒得  
黃絹丹及能補腠損

青蒿

味苦主治骨蒸勞  
熱得鱉甲治溫瘧

夏枯草

味苦辛入足厥陰經主治頭瘡瘰癧得香  
附甘草治目珠疼痛得香附貝母治馬刀

旋覆花

味鹹溫主治結氣嘔逆得代赭石半  
夏治噫氣得蔥新絳治半產漏下

草決明

味苦功專明目得  
甘菊治熱毒赤眼



葶藶

味辛寒 主治上氣水蓄得渫防已  
治陽水暴腫得大棗治肺壅喘急

連翹

味苦功專瀉心與小腸之熱得瞿麥大黃  
甘草治項邊馬刀得脂麻治瘰癧結核

篇蓄

味苦功專利小便  
得醋治蛇攻心痛

大黃

味苦功專下瘀得訖石英桃仁療傷損瘀血  
得黃連治傷寒痞滿得杏仁療傷損瘀血

甘遂

味甘苦主治十二種水得大黃阿膠  
治婦人血結得大麥麵治膜外水氣

大戟

味苦寒主治十二種水得甘遂白芥  
子療水氣脹滿得乾薑治水腫喘急

澤漆

味苦功專利水得大黃  
黃葶藶療心下伏瘕

常山

味苦功專劫痰截瘧得知母貝母草果治諸瘧  
得丹砂能劫瘧得檳榔草果治瘴瘧得甘草治

肺瘡得豆豉烏梅竹葉治腎瘡得小麥  
淡竹葉治溫瘡得黃連治三十年瘡

# 蜀漆

常山苗也世人以質代之味辛生用性升炒黑  
則緩得雲母龍骨治北瘡獨寒得麻黃甘草牡

蠣治壯  
瘡獨熱

# 附子

味辛溫熟附得麻黃發中有補生附得麻黃補  
中有發得人參能留陽氣得熟地能固元陽

# 川烏頭

味辛溫功專去風痰得梔子治疝氣得  
乾薑治陰毒傷寒得木香治冷氣洞泄

# 天雄

味辛溫主治一切風一切氣得烏頭附子治元  
陽虛憊得白朮桂枝龍骨療男子失精得烏頭

黑豆治大  
風惡癩

# 草烏頭

味辛主治諸風得五靈脂治風濕痺水得蛤粉  
茴香治結陰下血得川椒雞子白治腹中癥結

天南星

味苦溫入手足太陰功專豁痰怯風得生薑天麻治吐瀉慢驚得防風治跌撲金刃傷風得琥

珀硃砂治

痰迷心竅

半夏

味辛入手太陰少陰經功專消痰止嘔救五絕急病得醋製再得茯苓甘草治伏暑引飲得黃

連枯薑實治結胸得硫黃治老人虛

秘得牡蠣猪苓治無管攝之遺濁

蚤休

一名蠶河車味苦主治驚癇胎風得甘遂括蕒根治慢驚發搐得川大黃木鱉子仁馬牙硝半

夏治咽

喉穀賊

鬼

白

味辛溫主治鬼症百毒下死胎如神

射干

味辛平主治咳逆上氣喉痺咽痛得麻黃杏仁五味甘草治喉中水雞聲

芡花

味辛溫主治心腹脹滿水氣寒痰得大戟甘遂為贅瘤焦法得大黃甘草大棗芒硝治水腫支飲

白欬

味苦主治陰腫帶下得白芷治諸物哽咽得附子治風痺筋急

桃仁

味苦甘功專破瘀血潤腸止心腹痛得吳茱萸更治冷勞減食得延胡索川楝子治肝厥胃脘痛

梓白皮

味苦寒主治時行熱毒得連翹赤小豆治溫熱發黃

川楝子

味苦主治諸疝得延胡索治熱厥心痛得吳茱萸更治氣痛囊腫得補骨脂小茴香食鹽治偏墜

痛不可忍

巴豆

味辛功專蕩滌藏府得杏仁治飛尸鬼疰得亂髮灰治舌上出血得白礬療天祿入咽

郁李仁

味酸入足太陰經功專下氣利水專治大腸燥澀得醇酒能使人睡

蟬

蛻

味鹹甘主治風熱得硃砂治小兒夜啼得薄荷葉治皮膚風癢

蜣

螂

味鹹寒入足厥陰經主治寒熱驚癇用其白心治疔瘡垂斃

蝼

蛄

味鹹主治水腫癰毒得蛻螂治大小便閉得穿山甲塞耳中治聾

螢

火

味辛主治溫疫癘成子有螢火丸

鼠

婦

味酸溫入足厥陰經主治寒熱葛洪用以截瘧神效

麝

蟲

味酸寒功專下血行傷得桃仁大黃治產婦乾血腹痛得乳香沒藥龍骨自然銅能去傷接骨

蝦

蟄

味平主治小兒五疳

蜈

蚣

味辛溫主治尸疰惡氣

蚯

蚓

味鹹功專利水得乳香治驚風悶亂和麴作餽飽治癰癩

地

膽

味辛主治瘡瘍癰瘕得硃砂滑石治小腸氣痛得細辛白芷治鼻中瘕肉

斑

毛

味辛寒功專入下竅利水去毒得糯米治風狗咬傷得滑石治便毒

水

蛭

味鹹苦入足厥陰經功專破血行傷得蜚蛇治畜血得麝香治跌打傷

蛇

蛻

味鹹甘主治小兒百十二種驚癇得當歸治纏喉風得蟬蛻錢落頭髮治產難不下

麋

茸

味甘溫功專滋陰益腎得附子雀卵壯陽不老得附子山藥補元駐顏

豬

膚

味甘寒禮運疏云膚外厚皮也得白蜜米粉治少陰下痢咽痛

猪尾血

味鹹性寒善動得  
龍腦治痘疹倒靨

白石英

味甘主治痿痺肺癰實大腸得  
硃砂治驚悸得磁石治耳聾

胡粉

味辛功專療惡瘡得礪砂當歸接骨續筋  
得黍米治腹中蠱癥得猪脂療誤吞金銀

鉛丹

味辛寒功專墜痰止驚得  
龍骨牡蠣治心臟神驚

代赭石

味苦寒入足厥陰經功專入  
血鎮逆得冬瓜仁治慢驚風

青礞石

味甘鹹入足厥陰經功專利痰止驚得硝石赤  
石脂治一切痰積痼疾得硃硝治驚風危證

青鹽

味鹹寒功專助水藏益精氣得杜仲  
補腎脂能補肝陽得川椒能明目

下品藥

集補時用  
五十品

苧麻

味甘主治漏胎得建  
蓮糯米能固胎元

蘆根

味甘寒主治消渴嘔逆得麥冬治霍亂煩悶  
得麥冬骨皮茯苓橘紅生薑治骨蒸肺痿

旱蓮草

味甘酸烏髭髮益腎陰得青  
鹽能固齒得車前治溺血

蒴藿

味酸溫一名按  
骨草能蝕惡肉

海金沙

味甘寒功專利水通淋得臘茶治小便不通得  
滑石治膏淋如油得白朮黑牽牛治脾濕腫滿

馬兜鈴

味苦寒主治熱咳得  
甘草治肺氣喘急

黑牽牛

味苦寒功專下氣逐水得茴香  
治水飲痛得大黃治馬脾風病

何首烏

味苦澁入足厥陰經功專消癰腫益精髓得當  
歸枸杞兔絲骨脂脂麻能固精延年得胡麻治



大風  
癘疾

土茯苓

味甘淡功專去風濕利關節  
得金銀花苦參治楊梅瘡毒

山豆根

味苦寒專解  
咽喉腫毒

威靈仙

味苦溫功專去風濕療折傷得砂仁  
冰糖治骨齰得不小治腰脚諸病

馬勃

味辛平功專散血解毒得牛  
蒡子連翹玄參治溫毒發頤

神麩

味甘辛功專化水穀運積滯得麥芽杏仁治胃  
虛不剋得蒼朮能壯脾進飲食得茱萸治暴泄

不止

蒜

味辛溫主治邪痺蠱  
毒得黃丹能止瘡

菜菔子

味辛甘功專治痰下氣消食除脹

絲瓜子

味苦功專通經絡解熱毒得桃花治腸風下血得蘆根桃仁治癰

杏仁

味甘苦入手太陰經功專散結潤燥得天門冬能潤心肺得柿餅治肺病咯血得童便能補肺

勞劫

梨

味甘微酸主治熱嗽止渴潤肺涼心得黑穉豆治痰喘氣急得丁香治反胃轉食

烏藥

味辛溫功專消風順氣得沉香治胸腹冷氣得益智仁治小便頻數得懷香青皮良薑治五積

痛切

沒藥

味苦功專破血止痛得乳香治打撲踉蹌經絡受傷腫痛得虎脰骨治歷節風痛

安息香

味辛苦主治心腹惡氣夜夢  
鬼交得諸品香藥能通神明

龍腦香

一名冰片味辛苦主治骨節間風  
得猪血令心經痘毒宣發於表

阿魏

味辛功專殺蟲破癥辟瘟消瘴得丹砂為  
丸能截瘧得靈脂黃狗疸治噎膈痞積

蘆薈

味苦寒入足厥陰經主治熱得使君  
子治小兒脾疳得硃砂治老人風秘

椿

味苦溫功專殺蟲止利得訶黎勒母丁香醋糊  
治休息利得蒼朮枳殼治脾毒腸風得乾薑白

芍黃柏治  
濕熱白帶

阿黎勒

味苦溫功專下氣瀉腸得烏梅五味則收飲  
得橘皮厚朴則泄氣得肉果治水瀉下利

黃絲絹

得白芨能接斷腸得丹皮白芨治產婦臍損  
得棕櫚貫衆京墨荷葉四灰治婦人血崩

炊單布

受湯上之氣用以引出  
上焦之傷能治墜馬傷

禪襠灰

燒灰治  
陰陽易

五倍子

味酸得茯苓龍骨治虛勞  
遺濁得白礬治腸風下血

蜘蛛

性寒主治小兒大腹  
疔瘻得肉桂治孤疝

五靈脂

即寒號蟲失入足厥陰經功專散血止  
痛得蒲黃治心腹疼痛產後惡露刺痛

蚌水

功專止  
渴除煩

蚌粉

治久嗽  
不止

珠菜

味甘溫主治虛勞  
傷憊吐血下利

鼠

矢

雄者兩頭尖味鹹寒入足厥陰經得  
韭根治男子陽易亦治膀胱水結

獺

肝

味甘溫主治鬼疰傳尸得  
竹節中水治心腹積聚

亂

髮

味苦功專止血通淋  
得猪膏治婦人陰吹

童

便

味鹹寒功專降火止血得甘草治  
久嗽肺痿得杏仁猪肝治休息痢

秋

石

味鹹功專滋腎水養丹田得乳粉能固元陽延  
年不老得茯苓兔絲治遺濁得茯苓蓮肉芡實  
棗肉治色慾過度遺精小便  
便數食物中用腫脹代鹽

人

乳

味甘功專補五臟得梨汁能消  
痰補虛得美酒治卒不得語

天

葵

味鹹主治熱病勞復得人乳  
童便滴入鼻內治瞳神反背

伏龍肝

味苦辛主治血症帶下得阿膠蠶砂治婦人血漏弘景註即灶心黃土得附子黃芩阿膠治

血便後

礬石

功專行傷消堅

地

漿

味甘寒主治煩熱霍亂

礬石

砂

味辛功專破積平肝得黃連苦參治熱脹腹瀉

石

蟹

味鹹寒入足厥陰經主治背脊痛得羚羊角決明治骨肉攀睛

絳雪園古方選註卷十七